

**RELAZION DE FIN DL ANN 2023
ASSESSORAT STREDES – EGA**

INFRASTRUTURES

Streda Pedetliva: lëures scumencei tl 2022 y finei via tl 2023.

Streda Sacun 1. lotto: lëures finei via d'ansciuda dl 2023.

Egaduz da Sacun: lëures jic inant ntan dut l instà y finei via d'autonn dl 2023. D'ansciuda dl 2024 fineran mo de rumé su, mëter ju l asfalt nuef, la lums y vel' pitl stroz ntëurvia.

Streda Rumanon: lëures scumencei y finei tl 2023 d'autonn. Asfalt nuef uniral mo metù ju d'ansciuda dl 2024.

Proiet baraté ora vedla lums de streda tl luech: l proiet ie njenià y i lëures unirà scric ora tl 2024 (Sara Stuflessen se à cruzià).

Cabina dal strom ta Nis: lëures finei via. La cabina servësc dut l ridl da Poz.

Asfalt: sun plu tòc de streda an metù ju asfalt y n jirà inant cun l asfalté d'ansciuda dl 2024 davia che, per plu gaujes, se an ntardivà.

Salejà (cubetti): cumedà o fat defin da nuef vel' tòch de salejà tl raion da jì a pe, sun Puent de Pana y dl Purger y l rondel dan l raion da jì a pe.

Acurdanza per lëures (accordo quadro/Rahmenprogramm): cuntrat che buta dassënn. Cun chësta acurdanza ons pudù tré tres truep lëures cun priejes scric dant y cun manco burocrazia (p.ej. metù y spustà lumes ulache l jiva de bujën, cuncià mures melciafiei, fat la plaza per l joler, cumedà la promenade autan demez l'ega, cumedà roles rotes o che stravova y n.i.).

DE MËNDRI LËURES PRA STREDES

Mur streda Sacun: cumedà su mo n tòch dl gran mur pra streda, coche bele l ann passà.

Tombini: n à nciarià na firma per cumedé tombini che ie melciafiei (za. 20) y dat mo na ncëria de chësc viers per l 2024.

Sieves: cumedà y mudà plu tòc de sieves che fova melciafiedes.

LËURES CHE N IE TL LËUR DE PROIETÉ

Streda Sacun: 3. y 4. lotto – proiet tan che njenià y nce bele purtà dant te Cunsëi de Chemun. Cialeron de scrì ora l lëur pernanche la va.

Streda Cademia: proiet a n bon pont; sun l program iel de cumedé la ntredes dala Tresval y dala streda Rezia y de junté l tòch de tretuar che mancia. L vën nce mo trat su na rola nchin sal Betania per auté demez l'eghes dla plueia che va suvènz persëura tla streda Grohmann.

Streda Mureda: zona Pradac - Grien – dat la ncèira de fé n proiet per spartì l'ega blancia dala foscia y sëuraprò mudé n tòch de rola dal'ega da beber vedla y che streva.

Roles ega da beber La Popa - Plan de Cunfin: dat la ncèria per lauré ora l proiet per mudé ora la doi vedla roles dal'ega da beber dl 1938 y 1968.

Ncrëusc streda Sobosch - streda Scurcià: proiet bele purtà te Cunsëi de Chemun. Davia che la patrona dl grunt sot a streda fej na garage, muessen aspité che èila fine si tòch de mur pra garage. Da dedò pudèran mèter man cun i lëures per l ncrëusc nuef.

Streda Cuca: l proiet ie a n bon pont y laurà ora a puntin. D'ansciuda dl 2024 se ancunteran mo cun i patrons tuhei da chësc lëur per stlarì vel' detail y pona pudèi passé a scrì ora i lëures.

ASSESSORAT EGA

Cun la bona cunlaurazion di doi vardians dal'ega Christian Stuffer y Hannes Mahlknecht y de duc i lauranc dl cantier cumenel, an pudù fé trüep lëures per y ntëur ai bujèns dl'ega da beber. A d'èi ti va mi y nosc ringraziamënt.

- Proes dl'ega vëniel fat regularmënter
- Cialà do y puzenà i rëserves
- Davia che unitant an vel' mpaziamënt dl'ega, an nciarià n tecnicer per fé miuramënc de chësc viers y n se à nce bele ancuntà cun i ufizies cumpetënc a Bulsan
- N bon lëur de chësc viers an nce bele fat spustan l droch da aburvé l bestiam te Plan de Cunfin, che fova ènghe na gauja dl mpaziamënt dl'ega. Ringrazion l Chemun y la Pastura de S. Cristina.
- Ludwig Moroder à, cun l sustëni dl Chemun y tres l Istitut ladin, dat ora n liber dla nrescides n cont dla funtanes y di egaduz de Urtijëi, liber che n à pudù prejenté d'autonn. De gra a d'ël.
- Cumiscion dal'ega. Nce cun chësta se an ancuntà per rujené de cuestions y problems che à da nfé cun l'ega da beber.

Assessëur Kostner Rodolfo

Urtijëi, 10.04.2024

